



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o izmjenama Odluke
o uslovima i načinu sticanja statusa udruženja i fondacija
od posebnog značaja za Grad Sarajevo
(Prijedlog)

Predlagač: Gradonačelnik
Obradivač: Gradska uprava

Sarajevo, decembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 11. Odluke o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva na __. sjednici održanoj dana __. __. 2024. godine, donijelo je:

(Prijedlog)

**Odluku
o izmjenama Odluke
o uslovima i načinu sticanja statusa udruženja i fondacija
od posebnog značaja za Grad Sarajevo**

Član 1.

U Odluci o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), u članu 8. stav (2) mijenja se i glasi: „Obavezan sadržaj odluke o utvrđivanju posebnog značaja za određeno udruženje ili fondaciju je vremenski period finansiranja (jedna ili više budžetskih godina), a iznos finansijskih sredstava iz budžeta Grada Sarajeva kojima će udruženje ili fondacija biti finansirani na godišnjem nivou, dodjeljuje se putem Javnog poziva.“.

Član 2.

Član 13. Odluke mijenja se i glasi: „Udruženje/fondacija koje/a je ostvarilo/a status udruženja/fondacije od posebnog značaja za Grad Sarajevo na osnovu pojedinačne odluke Gradskog vijeća u ranijem periodu, zadržava stečeni status, a za dodjeljivanje finansijskih sredstava upućuje se na učešće na javnom pozivu za svaku budžetsku godinu, a za čije sprovođenje je nadležna Gradska služba za lokalnu samoupravu u skladu sa važećim propisima.“.

Član 3.

Izmjene i dopune Odluke vrše se na način i po postupku za njeno donošenje.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

O B R A Z L O Ž E N J E

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje, te članu 11. Odluke Odluke o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21) kojim je propisano da se izmjene i dopune Odluke vrše na način i po postupku za njeno donošenje.

RAZLOZI DONOŠENJA

Polazeći od opredjeljenja Grada Sarajeva za postizanjem što većeg stepena transparentnosti prilikom dodjele planiranih budžetskih sredstava, odnosno njihovog namjenskog, efikasnog i transparentnog utroška i raspolaganja, a sve shodno Smjernicama o minimalnim standardima dodjele budžetskih sredstava putem transfera i subvencija u Federaciji BiH („Službene novine Federacije BiH“, broj 37/24), pristupilo se izmjenama i dopunama Odluke o uslovima i načinu sticanja statusa udruženja i fondacija od posebnog značaja za Grad Sarajevo.

Izmjene i dopune su izvršene na način da je propisano da će se iznos finansijskih sredstava iz budžeta Grada Sarajeva kojima će udruženje ili fondacija biti finansirani na godišnjem nivou, dodjeljivati putem Javnog poziva, provedenog od strane nadležne Gradske službe za lokalnu samoupravu u skladu sa važećim propisima.

Također, predviđeno je da Udruženje/fondacija koje/a je ostvarilo/a status udruženja/fondacije od posebnog značaja za Grad Sarajevo na osnovu pojedinačne odluke Gradskog vijeća u ranijem periodu, zadržava stečeni status.

Temeljem naprijed navedenog, a po stupanju ove odluke na snagu, Gradskom vijeću će se na odlučivanje dostaviti i ranije donesene pojedinačne Odluke sa predloženim izmjenama i dopunama na način da će se u istim vršiti brisanje utvrđenih novčanih iznosa uz navođenje načina dodjele sredstava (Javni poziv).

FINANSIJSKA SREDSTVA

Finansijska sredstva za realizaciju Odluke obezbjeđuju se u Budžetu Grada Sarajeva za 2025. godinu.